

thecam Coislinianam, — Antiquitatem explicatam, etc., etc., etc.

MONTAYA. — Montoya (Lucas de), ordinis Minorum, edidit *Chronicon*.

MORAND. — Joannes Morandus, clericus regularis, scripsit *Theologiam moralem speculativam*.

MORERI. — Moreri Ludovicus, S. Theologiae doctor, natione Gallus, Lugduni per annos quinque verbum Dei praedicavit, et per reliquam vitam *Dictionarii* sui compositioni curam impendit. Lutetiae decessit, anno 1680, aetatis suae 58. Edidit *Dictionarium historicum*.

MORIC. — Morigia Paulus, natione Italus, Societatis Jesu, eruditus, patria Mediolanensis, migravit ad Dominum, anno 1604. Scripsit opus cui titulus est: *De origine religionum*.

MORIN. — Morinus Henricus, natione Gallus, partes Calvinistarum deseruit et catholicam religionem amplexus est. Cadomi obiit anno 1728. Multas dissertationes composuit, inter quas: *Histoire critique du célibat*.

MORIN. — Morinus Joannes, natione Gallus, religionem reformatam abjuravit, et congregationem Oratorii ingressus est, vir scientia et virtutibus clarus, Lutetiae obiit anno 1659. Multa concinnavit opera: *Exercitationes biblicas*, — *De sacris ordinationibus*, — *De poenitentia*, — *Exercitationes ecclesiasticas in utrumque Samaritanorum Pentateuchum*.

MORLER. — Morlerius Adrianus (Adrien de la Morlière), antiquarius XVII saeculi, canonicus Ambianensis. Scripsit *De antiquitatibus Ambianensibus*.

MORNAC. — Mornac Antonius, natione Gallus, advocatus et jurisconsultus peritus, poeta non mediocri, Lutetiae obiit anno 1619. Scripsit *De servitute rustica*.

MORON. — Moronus Illuminatus, Bergomensis, strictioris observantiae reformatorum, theologus, utriusque juris professor, et sanctae Inquisitionis contra haereticam pravitatem consultor, florebat in fine XVII saeculo. Edidit *Centum responsa centum quaesitis*.

MOROSIN. — Morosinus Julius, edidit opus cui titulus est: *Via della fede*.

MORTIER. — Nicolaus (du Mortier), edidit *Ety-mologiam sacras Graeco-Latinas*.

MOSCATELL. — Moscatello Joannes Bernardus, natione Italus, patria Neapolitanus, jurisconsultus XVI saeculi, edidit *Praxim tribunalium*.

MOSCON. — Mosconius edidit *In practica de majestate militum Ecclesiae*.

MOSHEIM. — Mosheim (Joannes Laurentius de), litterarum cultor, theologus heterodoxus, et eloquens concionator, natione Germanus, Helmstadii theologiae professor, cancellarius universitatis obiit Gottingae 1755. Vir scientia, bonis moribus, iudicio, charitate, elocutionis facilitate insignis, multa concinnavit opera: *Institutiones historiae ecclesiasticae*, — *Dissertationes sacras*, — *Tractatum philosophico-theologicum de morbis animae humanae*, — *Ethicam Scripturae sacrae*.

MOYA. — Matheus de Moya, natione Hispanus, patria oppido Moral, diocesis Toletanae, Societatis Jesu, philosophiam docuit et amplius viginti annis theologiam Murciae, Compluri, et Matriti in collegio Imperiali, magna doctrinae fama. Superstes in eodem collegio, adlectus est a serenissima regina Maria Anna in confessarium. Florebat XVII saeculo. Edidit *Questiones selectas ex praecipuis theologiae moralis tractatibus*.

MOZZAGRUG. — Mozzagrugno Josephus, canonicus regularis Sancti-Salvatoris, florebat XVII saeculo. Edidit *Orationes in omnia totius anni evangelia*.

MULL. — Muller Petrus, edidit opus cui titulus est: *Disputatio de bonis parochialibus*.

MUNDIUS. — Mundijs, jurisconsultus: *De diffamatione*.

MUNIESSA. — Thomas Muniessa, Societatis Jesu, edidit opus cui titulus est: *Questiones selectae morales*.

MURATOR. — Muratori Ludovicus Antonius, doctus et celebris scriptor Italiae, clericus, Vignolae natus, anno 1672. Litteris, philosophiae, theologiae, jurisprudentiae, antiquitatibus et aliis scientiis studuit. Ambrosianae bibliothecae fuit custos Mediolani. Obiit anno 1750. Multa insignia concinnavit opera Muratorius, scilicet: *Anecdota*, — *Anecdota Graeca notis et disquisitionibus aucta*, — *Philosophiam moralem*, — *Historiam rerum Italicarum*.

MURCIA. — Murga Petrus, natione Hispanus, ordinis S. Benedicti, monachus domus S. Emiliani, sub medio XVI saeculi, sacerdotum canonum scientia claruit, fuit prior conventus S. Mariae de Hyarte. Edidit: *Questiones pastorales*, — *Disquisitiones morales et canonicas*, — *Tractatum de beneficiis ecclesiasticis*, — *Commentarium in constitutiones apostolicas pro congregatione S. Benedicti Hispaniarum*.

MUSCETTOL. — Muscettola Franciscus Maria, archiepiscopus Rossanensis, edidit opus cui titulus est: *De sponsalibus et matrimonio*.

MUSKA. — Muska Nicolaus, natione Germanus, Societatis Jesu, per plures annos rhetoricam, philosophiam, theologiam docuit magna cum fama praesertim Viennae. Migravit ad Dominum anno 1776. Scripsit: *Vitas Palatinorum sub regibus Hungariae*, — *De legibus, earum transgressione, seu peccatis et eorum poena*.

N

NALCH. — Nalchius, bibliographus, cujus opus est *Bibliotheca Graeca*.

NALD. — Naldus Antonius (Naldi), natione Italus, Theatinus, vir pietate scientiaque clarus, migravit ad Dominum anno 1645. Edidit: *Questiones practicas in foro interiori usu frequentes*, — *Resolutiones practicas casuum conscientiae*, — *Adnotationes practicas ad varia juris pontificii loca*, — *Summam theologiae moralis*.

NARBON. — Didacus de Narbona edidit *Tractatum de aetate ad omnes actus humanos requisita*.

NATAL. — Natalis Alexander, natione Gallus, patria Rothomagensis, natus anno 1655, philosophiae et theologiae professor, doctor Sorbonicus, Lutetiae obiit anno 1724. Multa opera concinnavit quorum sunt praecipua: *Historia ecclesiastica Veteris Novaeque Testamenti*, — *Theologia dogmatica et moralis*, — *Commentaria in Evangelia et Epistolas S. Pauli*, — *Apologia monachorum ordinis sui aut ad Sinenses adierunt, ut fidem eis praedicarent*.

NATT. — Natta Marcus Antonius, natione Italus, jurisconsultus, Genuensis magistratus, vir virtutibus et amore studii insignis, XVI saeculo florebat. Scripsit: *Tractatum de Deo*, — *Conciliorum tomos tres*, — *De immortalitate animae libros quinque*, — *De passione Domini*, — *De doctrina principum libros novem*, — *De pulchro*.

NAUCLER. — Nauclerus Joannes Vergen, natione Germanus, historicus, natus circiter anno 1450, obiit anno 1510. Scripsit *Chronicon*.

NAVAR. M. — Martinus Navarra, natione Hispanus, professor juris Tolosae, Romam adit aetatis suae 80 anno, ut defenderet amicum Bartholomaeum Caranza, in causa haereseos implicatum. Vir iste charitate, scientia insignis, plenus dierum et virtutum Romae obiit anno 1586. Scripsit: *Commentarios in jus canonicum*, — *Enchiridion seu Manuale*.

NAVAR. P. — Forte Petrus Paulus Navarra, natione Italus, Societatis Jesu, qui florebat XVI saeculo; vir ingenio et scientia insignis. Scripsit: *Avolatium fidei Christianae*.

NAVARRO. — Tiburtius Navarro, strictioris obser-

vantiae reformatorum alumnus in provincia conceptionis Aquitaniae, sacrae theologiae lector, poenitentiaricus Innocentii Papae XI, in basilica S. J. Lateranensi, vir copiosi ingenii ac multiplicis eruditionis, florebat XVII saeculo; metricè conscripsit *Compendium theologicum*. Alia opera conscripsit: *Melodiam subtilem*, — *Diversa elogia et vitas*, — *Manuductionem ad praxim executionis litterarum sacrae poenitentiarie, una cum modo scribendi, et recurrendi ad sacram Poenitentiarium in casibus S. Sedi reservatis, praesertim occultis*.

NAZZAR. — Nazzari Joannes Paulus, natione Italus, ordinis Praedicatorum, in multis locis inquisitor, ter electus diffinitor generalis ordinis sui, a summo pontifice Clemente VIII, ad Gebennas legatus fuit, ut cum Protestantibus contenderet de Missae sacrificio. Florebat ad medium XVI saeculi. Edidit: *Opuscula varia*, — *Theologica commentaria in Summam divi Thomae*.

NEBRISS. — Nebrissensis Aelius Antonius, natione Hispanus, litterarum restaurator et pater in hac regione, per viginti annos docuit in universitate Salmanticensi, deinde Alcalensi usque ad mortem suam anno 1522. Nebrissensis plurima opera concinnavit de linguis, de litteris, de mathematicis, de jurisprudentia, de medicina, de theologia. Edidit: *Vocabularia juris*, — *Commentaria in Scripturam sacram*, — *Lexicon artis medicamentariae*, — *Decades historiae Ferdinandi et Isabelle*.

NEESS. — Neessen Laurentius, natione Belgae, canonicus in ecclesia metropolitana, theologalis, librorum censor, examinatus synodalis, vir pietate, charitate, scientia insignis, obiit in seminario Mechliniensi die 22 Maii 1679. Edidit: *Universam theologiam, in duos tomos divisam juxta mentem S. Augustini et D. Thomae*, — *Tractatum de justitia et jure*.

NELL. — Neller Georgius Christophorus, natione Germanus, canonicus Trevirensis, a consiliis principi electori et juris doctor, obiit anno 1785. Perfectam scientiam habebat antiquorum monumentorum et numismatum et de hac re multas bonas dissertationes edidit. Scripsit: *Dissertationem de decretis Basiliensibus*, — *De juribus parochi primitivi*, — *Dissertationem de varietate residentiarum canonicarum*, — *Collectionem canonicam et methodicam, etc., etc.*

NEUDECHE. — Neudeche Sigismundus, ordinis Minorum, edidit opus cui titulus est: *Schola religiosa*.

NEUSS. — Neusser Bruno, Gallus, lector jubilatus, ac custos recollectae provinciae Coloniensis, vir in philosophicis ac theologicis disciplinis perfecte eruditus, plura luculenter Latino idiomate scripsit ex quibus ad manus nostras devenere: *Polyanthea theologo-moralis-canonica*, — *Tractatus de horis canonicis*, — *Directorium superiorum regularium et ecclesiasticorum*. Bruno Neusser florebat XVII saeculo.

NEVIZAN. — Nevizanus Joannes, natione Italus, jurisconsultus, jus Taurini docuit; decessit anno 1540. Scripsit: *Sylva nuptialis libros sex, in quibus materia matrimonii, dotium, filiationis, adulterii, discutitur*, — *Indicem scriptorum in utroque jure*, — *Questionem de librorum multitudine ressecanda*, — *Consilia*.

NEVO. — Alexander de Nevo, jurisconsultus, scripsit *Commentaria in libros Decretalium*.

NICEPHOR. — Nicephorus S. patriarcha Constantinopolitanus, qui ardentem pro cultu imaginum propugnavit proptereaque in exilium missus est a Leone Armeno. Tum Nicephorus monasterium ingressus est, et migravit ad Dominum, anno 828. Scripsit: *Chronographiam*, — *Historicum breviarium*, — *Sichometriam, etc.*

NICOLAI. — Nicolai Alphonsus, natione Italus, Societatis Jesu, Francisci I theologus, post suppressionem ordinis sui, Cisterciense monasterium in-

gressus est ubi obiit anno 1784. Scripsit: *Memorie storiche di san Biagio, vescovo e martire, protettore della repubblica di Ragusa*, — *Dissertationi e lezioni di sacra Scrittura*, — *Ragionamenti sopra la religione*.

NICOLARTS. — Laurentius Nicolarts, Tungrensis, in academia Coloniensi S. Th. doctor, protonotarius apostolicus, ecclesiae collegiatae S. J. Evangelistae Leodii primum canonicus, inde in cathedrali ecclesia Lambertina canonicus atque poenitentiaricus, olim inter practicos curiae Romanae multum diuque versatus. Florebat ad dimidium XVII saeculi. Edidit *Tractatum de praxi beneficiaria*.

NICOLIUS. — Nicolius Hieronymus, natione Italus, patria Romanus, alumnus congregationis de observantia Lombardiae, vixit saeculo XVII, fuit lector theologiae, et in Romana curia pro eadem congregatione procurator, necnon ecclesiae S. Mariae de Populo parochus, vir in utroque jure clarissimus, qui per sua opera literato orbis salis innotuit, ejus enim calamo prodierunt: *Lucubrationes utriusque juris ad theoriam*, — *Flosculi, sive notabilia practica ex utroque jure, probatius auctoribus ac theologiae praesertim fontibus libata, ad juridicam praxim in unum collecta, et methodo alphabetico digesta*.

NIDER. — Nider Joannes, natione Germanus, ordinis Praedicatorum, prior monasterii Praedicatorum Basileensium, haereticae pravitatis inquisitor, ac gymnasii Viennensis sui ordinis rector, etc. Claruit anno 1450 et seq. Plura opera composuit elegantis stylo: *Præceptorium seu tractatum de decem præceptis*, — *Myrmecium bonorum*, — *Alphabetum amoris divini*, — *De reformatione religiosorum libros tres*, — *Sermones*, — *Casus de criminibus in Deum, in proximum*.

NOAL. — Noal forsitan jurisconsultus cui attribuitur opus quod titulum præbet: *De transmissionibus*.

NOGUER. — Noguera Andreas, Hispanus, ordinis Minorum, ex provincia Majoricarum regul. observant. theologus, florebat ad medium XVII saeculi. Scripsit *Memoriale provinciae Majoricarum S. P. N. Francisci*.

NON. MARCEL. — Nonius-Marcellus, grammaticus et philosophus Peripateticus, natione Italus, patria Tiburtinus, florebat desinente saeculo III. Scripsit *De proprietate sermonis*.

NONNOTT. — Nonnotus Claudius Franciscus, natione Gallus, Societatis Jesu, totam historiam ecclesiasticam et theologiae curam impendit. Migravit ad Dominum anno 1795. Plurima opera edidit ut erronei saeculi confutaret: *Erreurs de Voltaire*, — *Dictionnaire philosophique de la religion*, a D. Migne editum, in sua *Encyclopædia theologica*, cum additionibus et notis, — *Lettre d'un ami à un ami sur les honnêtetés littéraires*, — *Principes de critique sur l'époque de l'établissement de la religion chrétienne dans les Gaules*, — *Les philosophes des trois premiers siècles de l'Eglise*.

NOODT. — Noodt Gerardus, natione Germanus, in pluribus urbibus jus docuit et e vivis decessit anno 1725. Gerardus peritus erat in litteris, in historia, in linguis. Inter tractatus quos edidit, eminent: *De favore et usuris*, — *De jure imperii et lege regia*, — *De religione ab imperio, jure gentium, libera, etc.*

NORIS. — Norisius Henricus (le cardinal Noris), natione Anglus, ordinis S. Augustini, Angliam deseruit ut Romam veniret. Hic studio incubuit, et in multis ordinis sui cœnobii theologiae docuit; custos fuit bibliothecae Vaticanae, consultor Inquisitionis, denique cardinalis creatus fuit anno 1695. Migravit ad Dominum anno 1704. Opera hujus cardinalis textura, stylo eleganti, sapienti censura, et accurate eminent, quorum praecipua sunt: *Historia Pelagiana libri duo*, — *Vindiciae Augustinianae*, — *Dissertatio de uno ex Trinitate in carne passio*, — *Apologia*

monachorum Scythiae. — *Somnia Francisci Macedo.*

NOVAES. — Novaes (Sebastianus de), natione Lusitanus, patria Bracharensis, cooptatus in Societatem Jesu septennio docuit rhetoricam, et aetate litteras; theologiam moralem novennio; scholasticam sexennio; ecclesiasten etiam egit in domo professorum Ulyssipone, et fuit rector collegii Scabillitani. Florebat ad medium XVII saeculi. Edidit *Lilium inter spinas, sive Conceptum Dei Genitricis incontaminatum.*

NOVARIN. — Novarinus Ludovicus (Novarini), natione Italus, clericus regularis, primis ordinis sui muneribus functus est, vir magnae eruditionis, migravit ad Dominum anno 1650. Multa opera reliquit sed indigesta et singularia, quorum sunt praecipua: *Commentaria in quatuor Evangelia, — Electa sacra, — Adagia sanctorum Patrum, — Calamita de cuori, — Paradiso di Bethelme.*

NOVARIUS. — Novarius Joannes Maria (Novario), natione Italus, jurisconsultus, auditor provincialis, florebat XVII saeculo. Edidit *Collectanea et utilia, tum priscarum, tum neotericarum impressarum et non impressarum totius universi orbis decisionum reportata.*

NUGNUS. — Nugnus Didacus, ordinis Praedicatorum, edidit *Commentaria in in partem S. Thomae, — De sacramentis.*

O

OBRECHT. — Obrecht Ulricus, natione Germanus, jurisconsultus et philologus, primum Protestantium partibus addictus, religionem catholicam amplexus est. Ulricus in linguis, in historia, in jurisprudentia versatissimus erat, ita ut a Magno Bossuetio vocaretur *Epitome omnium scientiarum.* Migravit ad Dominum anno 1701. Scripsit: *Prodromum rerum Alsaticarum, — Excerpta historica de natura successionis in monarchia Hispaniae, — Dissertationes selectae, — De legibus agrariis populi Romani.*

ODONUS. — Gerardus Odonus, Gallus, Ruthenensis de Castro Rodulphi, minister generalis, Parisiis anno 1529, Joanni XXII perquam clarus, a quo legatus est semel in Siciliam, secundo in Angliam, tertio in Bosniam Croatia, ex qua plurimos propulsi haereticos, quarto iterum in Siciliam; et demum creatus patriarcha Antiochenus, atque administrator perpetuus Ecclesiae Catanensis in Sicilia. Multa scripsit, praesertim in moralibus, unde et *Doctor moralis* nuncupatus fuit: Edidit: *Commentaria in sacram Scripturam, — In quatuor libros Sententiarum, — Officium de stigmatibus S. P. Francisci, quod hodie a Minoritis recitatur.*

OECUMEN. — Oecumenius, auctor Graecus X saeculi, edidit *Commentaria in Actus apostolorum et in Epistolam S. Jacobi.*

OINOTOM. — Oinotomus forte, jurisconsultus cui attribuitur opus quod titulum praebet: *Institutiones de interdictionibus.*

OKAMUS. — Guillelmus Okamus, Anglus, Subtilis Doctoris discipulus, ac postea nominalium scholam, vel inchoans, vel stabiliens, acerrimus impugnator, vir quidem acris ingenii, sed minime sobrii. Cognominatur *Venerabilis inceptor et singularis doctor.* Partim de theologia, partim de philosophia doctissime scripsit, nempe: *Super Magistrum Sententiarum, — Centilogium theologicum, — De sacramento altaris tractatum, — Summam totius logicae, — Compendium theologiae, et plurima alia eximia opera.*

OLDEN. — Olden Henricus, doctor facultatis Parisiensis, edidit opus cui titulus est: *Analysis fidei.*

OLDRAD. — Oldradus cognominatus de Laüae, jurisconsultus Italus, summa cum fama jus docuit Paduae et Bononiae. Avenionem deinde petiit et ibi

decessit, anno 1635. Opus juris eruditione plenum edidit sub titulo *Consiliorum.* A Paulo de Castro Oldradus *Pater legum* cognominabatur.

OLEA. — Olea forte jurisconsultus qui edidit opus *De cessione juris.*

OLEAST. — Oleaster vel Oleastro Hieronymus, natione Hispanus, ordinis Praedicatorum, theologus Joannis III, regis Portugalensis, ad concilium Tridentinum, fidei inquisitor, primis ordinis sui muneribus functus est et migravit ad Dominum anno 1565. Scripsit Latine *Commentaria in Pentateuchum, — Commentaria in Isaiaem.*

OLIVA. — Oliva Felicianus, forte monachus Ripullus qui scripsit librum *De cyclo paschali* qui teste Baluzio exstat in quodam codice bibliothecae Colbertinae. Mabillon. *Ann.* tom. IV, pag. 489.

OLIVA. — Oliva Joannes Paulus, natione Italus, patria Genuensis, litteras humaniores aliquot annis professus est, domum probationis Romanam decennio rexit et collegium Germanicum in Urbe iterato administravit, conciones habuit Romae magna cum fama, florebat ad medium XVII saeculi. Scripsit: *Conciones, — Commentaria in Scripturam.*

ONNATE. — Petrus de Onnate, natione Hispanus, patria Vallisoletanus, Societatis Jesu, lucrandarum Deo animarum studio impulsus traiecit in Americam anno 1592, ubi in provincia Peruviana duas diversas Indorum linguas perdidit, et magistrum novitiorum diu egit. Postea Paraquariae provinciam gubernavit, et redux in Peruanam, plenus dierum et honorum operum ad mercedem omnium evolavit. Elucubravit *De contractibus tomos tres.*

OPTAT. — Optatus Milevitanus, in Africa, currente IV saeculo, obiit anno 584, vir virtutibus et doctrina clarus, scripsit *Septem libros adversus schismaticos Donatistas.* Vide tom. XI *Patrologiae Latinae*, edit. Migne.

ORESM. — Oresmius Nicolaus, clarus scriptor XIV saeculi, natione Gallus, patria Cadomensis, doctor Sorbonicus, Lexoviensis episcopus, missus ad papam Urbanum V, illi persuasit ut Romam iterum non adiret, vir scientia et virtutibus clarus, Lexovii obiit, anno 1382. Scripsit: *De communicatione idiomatum, — De mutatione monetarum, — De Antichristo.*

ORIGEN. — Origenes, unus ex illustrissimis scriptoribus ecclesiasticis saeculi tertii, cognominatus *Adamantius*, Alexandriae vidit lucem anno 185, et Tyri migravit ad Dominum anno 254. Vir virtutibus et scientia clarus fere innumera opera concinnavit et eximia. Vide *Patrologiam Graecam*, a tom. XI usque ad XVII inclusive, edit. Migne.

OROS. — Paulus Orosius, natione Hispanus, sacerdos virtutibus et scientia insignis, cum S. Augustino et S. Hieronymo feliciter conversatus est. Florebat incipiente saeculo V. Jussus a S. Augustino scripsit *Chronicon* in septem libros distributum. Auctor est pariter *Apologiae liberi arbitrii adversus Pelagianos et Epistolae ad S. Augustinum.* Vide opera Pauli Orosii in *Patrologia Latina*, edit. Migne, tom. XXXI.

ORSI. — Orsi Josephus Augustinus, natione Italus, ordinis Praedicatorum, professor theologiae, magister sacri Palatii, creatus est cardinalis a Clemente XIII, anno 1759. Scripsit: *Historiam ecclesiasticam*, et aliud opus cui titulus est: *Infallibilitas act. Romani pontificis.*

ORTEL. — Abraham Ortelius, natus Antuerpiae anno 1527, geographus fuit regius, atque *Urbs patriae, orbisque terrarum ornamentum* audire meruit, ac saeculi sui *Ptolemaeus.* Vivere desiit Antuerpiae anno 1598. Multa opera concinnavit quorum praecipua sunt: *Theatrum orbis terrarum, — Synonyma geographica, — Aurei saeculi imago, — Itinerarium per nonnullas Galliae Belgicae partes.*

ORTIZ. — Ortiz Blasius, natione Hispanus, canonicus Toletanus, obiit anno 1540. Scripsit:

Descriptionem graphicam summi templi Toletani, — Sannam, — Itinerarium Adriani VI, ab Hispania Romam usque ac ipsius pontificatus eventus.

OSOR. — Osorius (Osorio) Hieronymus, natione Hispanus, Sylva episcopus, vir eloquentia insignis, migravit ad Dominum anno 1580. Scripsit: *Commentaria in Scripturam, — De nobilitate civili, — De nobilitate Christiana, — De gloria, — De regis institutione, — De justitia coelesti, — De sapientia, — Epistolam ad reginam Angliae.*

OSOR. — Joannes Osorius, natione Hispanus, ex oppido Sasamone, dioecesis Burgensis, Societatis Jesu, Aristotelem nondum sacerdos est interpretatus, theologiam moralem diu tradidit, rexitque collegium Numantinum, seu Sorianum, utilem atque assiduam in concionibus ad populum habendis operam posuit et ut stylo posteris prodesset, sicut praesentibus in lucem emisit *Concionum tomos quinque.* Migravit ad Dominum anno 1594.

OTER. — Oterius forte, jurisconsultus cui attribuitur opus titulum praebet: *De pascuis.*

OTTO. — Otto Everardus, natione Germanus, jurisconsultus peritus, juris professor, obiit 1756. Multa et eximia scripsit opera: *De aedilibus coloniarum et municipiorum liber singularis, — Dissertationes juris publici et privati, — Thesaurus juris Romani, — De jurisprudentia symbolica, — Papi-nianus.*

ODIN. — Oudin Casimirus, ordinis Praemonstratensis, aliquandiu apud regem Ludovicum XIV vixit, deinde sectam Protestantium apostata adiit. Obiit 1717. Plurima scripsit opera: *Commentarium de scriptoribus Ecclesiae antiquis, illorumque scriptis, — Veterum aliquot Galliae et Belgii scriptorum opuscula sacra nunquam edita, — Triadem dissertationum criticarum.*

OVAND. — Joannes de Ovando, natione Hispanus, Cacerensis, provinciae S. Jacobi alumnus, vixit sub annum 1610. Postquam annis multis praegit Salmanticae theologiae, scripsit: *Commentarios in III Sententiarum, — Discursus praedicatorum de mysteriis fidei, — Tractatum de Incarnatione.*

OVID. — Ovidius Naso, poeta Latinus percelebris, natus anno 45 ante J. C., obiit anno 17 J. C.: opera ejus *Metamorphoses, — Fasti, — Tristia, — De arte amatoria, et c.*

OVID. — Ovidio (Franciscus de), natione Hispanus, fuit primarius professor theologiae moralis in academia regia Matritensi, scholasticae vero Murciae et Complutii, et saecro tribunali S. Inquisitionis a censuris. Morte subitanea sublatus est anno 1631. Scripsit: *Integrum cursum philosophicum, — In totam primam secundae S. Thomae, — De fide, spe et charitate.*

P

PACCIAN. — Fulvius Paccianus (Pacciani), natione Italus, patria Mutinensis, jurisconsultus insignis, vir litteris amoenioribus et eruditione clarus, Ferrariae jus professus est et obiit anno 1615. Plura tum Latine tum Italice exaravit opera, quorum praecipua sunt: *Tractatus de probationibus, — Tractatus de iudiciis causarum civilium, criminalium et haereticarum, — De appellationibus, — Consilia, responsa, relationes et allegationes circa feuda, contractus et ultimas voluntates, — Dell' arte di ben governare i popoli, et c.*

PACHYM. — Georgius Pachymerus (Pachymer), natione Graecus, patria Nicenus, historiographus, amplissimis honoribus tum Ecclesiae tum imperii Constantinopolitani et muneribus perfunctus, obiit anno 1512. Scripsit *Chronicon*, ab anno 1258 ad an. 1308.

PACIAUD. — Paulus Maria Paciaudus (Paciaudi), natione Italus, patria Taurinensis, ordinis S. Francisci monachus, vir scientia, litteris et eruditione

clarus, varia et eximia tum Latine tum Italice concinnavit opera sub his titulis: *De sacris Christianorum balneis, — De athletarum cubites in palaestra Graecorum commentarius, — De campanis, — Monumenta Peloponnesiaca, et c.* Obiit anno 1785.

PACICH. — Joannes Baptista Pacichellus (Pacichelli), natione Italus, patria Pistoriensis, vir litteris, jure et theologia apprime eruditus, fato sanctus anno 1702, plura tum Latine tum Italice scripsit opera quorum tituli: *Schediasma de iis quae nullo modo possunt in jus vocari, — Schediasma de larvis, capillamentis et chirothecis, — De jure hospitalitatis universo, — De distantis, — Lucubratio autumnalis de tintinabulo Nolano, et c.*

PACIUS. — Julius Pacius (Pacio), natione Italus, patria Vicentinus, jurisconsultus celeberrimus, et professor, ex heterodoxo catholicus, obiit anno 1635. Multa de jure scripsit sub his titulis: *De contractibus, — Synopsis juris, — De jure maris Adriatici, — In Decretales libri quinque, — Aristotelis organum, — Legum conciliatarum centuriae, et c.*

PAGAN. — Marcus Antonius Paganus, natione Italus, patria Venetus, ordinis S. Francisci monachus, vir pietate et doctrina insignis, ac gravibus muneribus in religione perfunctus, varia edidit opuscula, ex quibus ista circumferuntur: *Tractatus de ordine, jurisdictione et residentia episcoporum, — Discursus de poenitentia, — Generalis discursus in lege canonica, et c.* Obiit circa annum 1585, aetatis suae 69.

PAGIUS (A.). — Antonius Pagius, natione Gallus, ordinis S. Francisci monachus, et provincialis, historiographus insignis, edidit opus eximium cui titulus: *Critica historico-chronologica in Annales ecclesiasticos cardinalis Baronii, — Dissertatio hypatica, seu de consilibus Caesaris.* Obiit anno 1699.

PAGIUS (F.). — Franciscus Pagius (Pagi), natione Gallus, fratris filius praedentis, ordinis S. Francisci monachus, historiis ecclesiasticis versatissimus, vita functus anno 1721, scripsit: *Breviarium historico-chronologico-criticum, illustriora pontificum Romanorum gesta, conciliorum generalium acta, necnon complura tum sanctorum rituum, tum antiquae Ecclesiae disciplinae capita complectens.*

PALAT. — Joannes Palatius (Palazzi), natione Italus, patria Venetus, canonicus Paduensis, historiographus et Imperatori a consiliis, juris canonici professor, vita functus anno 1705, plurima edidit variis sub titulis: *Monarchia occidentalis, — Aquila Franca sive inter lilia, — Aquila Sueva, — Aquila Romana, — Aristocratia ecclesiastica, et c.*

PALEOT. — Gabriel Paleottus (Paleotti), natione Italus, patria Bononiensis, S. R. Ecclesiae cardinalis, vir doctrina et pietate clarus, Romae obiit anno 1597, aetatis suae 75, plura posteris, sui ingenii monumenta, relinquens opera sub his titulis: *De bono senectutis, — Archiepiscopale Bononiense, — De nothis spurisque filiis, — De consistorialibus consultationibus, — De imaginibus sacris et profanis, et c.*

PALLAVIC. — Petrus Sfortia Pallavicinus (Pallavicini), natione Italus, patria Romanus, e Societate Jesu et S. R. Ecclesiae cardinalis, vir sublimitate ingenii, doctrinae excellentia insigniter clarus, piam efflavit animam anno 1667, aetatis suae 57. Plura et eximia tum Latine tum Italice conscripsit opera, quorum praecipua sunt: *Historia concilii Tridentini, — De bono libri quatuor, — De stylo et dialogo, — Assertiones de universa theologia, — Disputationes in primam secundae S. Thomae, et c.*

PALUDAN. — Petrus de Palude vel Paludanus (de la Palud), natione Gallus, patria Burgundus, ordinis S. Dominici monachus, Hierosolymitanus patriarcha, theologus insignis, utriusque juris doctor, inter scholasticos celebris, inter canonistas illustrior et perpetuus defensor doctrinae S. Thomae, obiit, in insula Cyprae, Nicosiae anno 1535, juxta alios vero